

張淮陽詩集前叙

曩者天兵克季宋于崖山時則淮陽獻武
王實以元帥統師爰振其武用燔趙燼勲
勞之大載在史冊藏在金匱天下後世知
其功高乃若詞章之盛人或不能盡知也
王之里人金臺王氏嘗以王之詩歌樂府
刻于其家敬義堂雖特其僅存之稿然於
是足以知王之詞章為優為耳蓋王以事

業之餘適其性情而聊以見之吟咏往
託物感興爲多而在于射獵擊毬之事者
無幾况夫雅韻清辭雍容諧協固非服介
冑者之所能及至其讀韓信李廣傳諸作
英氣偉論卓犖發揚又豈拘拘律度之士
所能道哉惟王世在名門天資超邁幼嘗
學於郝公伯常而友鄧公光荐恒樂與鉅
儒學士大夫交故屬意文事爲甚王之子

恒陽忠獻王歷事

累朝弼成文治爲世文臣平生立朝大節
若漢之丙魏唐之房杜皆王所素教焉今
其曾孫旭爲江南諸道行御史臺監察御
史訪求先世遺文得敬義堂所刻顧其集
猶王之舊謚武烈題其首欲重梓之從宣
因僭爲之叙以著王之好儒尚文詞章祇
其餘事且使天下後世之人知王之世家

不獨高於武功也

至正十年庚寅九月吉日中憲大夫江南
諸道行御史臺治書侍御史許從宣謹叙

故都元帥贈平章謚武烈張公諱弘範字

仲疇河內人蔡國武康公第九子也天分

英特少從郝經學士雖觀書大畧率意吐

辭往往踔厲奇偉據鞍縱橫橫槊醜酒叱

咤風生豪快天縱類楚漢間烈士語

余嘗謂氣文之主詩筆特功名餘豪曹氏

父子氣雄建安劉越石悲憤之作猶度越

晉人遠甚斛律金敕勒六朝文士所無唐

劉幽求嚴武張建封輩一聯半句音節豪
宕自別是固難以常人檢押翰墨逕畦論
也中原文獻荒蕪士少有人輒自有餘惟
武烈公所作未嘗屬藁篇什隨手散落後
親友網羅遺失得其僅有者爲詩詞若干
將傳於後屬余序惟立功立言自古難並
勲業蓋世往往掩其他長矧公文章赫々
照映非出偏長以與文士角逐者然英々
在紙畧見其人決非營度出吻筆下輒止
者所能學亦非凌烟閣上賢冠大羽箭所
能盡存之穹壤要是古今一奇

廬陵鄧光荐序

張淮陽詩集

五言律詩

泛舟繼韻

風軟扁舟穩行依綠柳堤孤樽秋露滑短
棹晚烟迷夜靜月初上江空天更低飄飄
信流去悞過子猷溪

雨霽登樓

國家圖書館 NATIONAL CENTRAL LIBRARY, TAIWAN, R.O.C.

宿人周越校正重刊



樓外雨初霽乾坤望眼明岸高秋漲滿簾
捲暮霞生燕入泥香潤龍歸海氣清欄干
殘照底一片古今情

月夜獨酌

白酒同誰飲青樽祇自開山風吹雨去海
月上天來雅興高千古狂歌復一盃何當
呼李白同醉鳳凰臺

柳塘避暑

避暑溪塘上然
踈掛冠疑過鳥濯
足礙行魚雨過波紋細風來樹影虛消

長日事棋罷數行書

蓮湖泛舟

載酒扁舟穩平湖綺繡鄉半竿殘日暮十
里晚風香桂楫分雲錦荷盃吸露漿浩歌
明月底驚起宿鴛鴦

攜妓泛舟過雨

醉漾蘭舟去歡聲儘掉遲舞回風過處歌
罷雨來時鳳管傳瓊液鸞刀繪玉絲池塘
烟樹外一片畫中詩

夏日道中

一

六月長安道功名兩字催雲頭烘赤日馬
首滲黃埃汗額揮雨飢腸轉殷雷輸他
河朔客冰酒

遠烟

慘淡微風外氤氳老頭驚香霧薄遙
認斷雲浮日天際秋晴明
藏不得一片

宿

馬疲盤道峻投宿入招提雨急山溪漲雲
迷嶺樹低涼風來殿角赤日下天西偃腹
虛簾外林空鳥恣啼

枕上

客懷苦長夜歌枕冷掀髯半壁荒燈暗窮
途老淚淹驚鳥疑月樹竊鼠怯風簾百慮
秋中集無由到黑甜

五言絕句

醉中遣興六首

把酒莫辭頻呼童更疾溫清明三月節庭
院又黃昏

把酒莫辭霎休教樽酒空光陰不復得流
水只流東

酒興唯詩賴詩懷實酒因高吟到佳處滿
酌岸青中

滿酌莫宜側高歌不論聲醉時狂起舞何
必待雞鳴

酒盡興不盡心奇詩亦奇更沽一斗酒須
到百篇詩

飲酒莫妨事吟詩休費心酒從閑裏飲詩

向來興吟

幘中桃竹

竹同君子操花勝麗人粧
洞裏神僊客誰教嫁阮郎

花影

明月招春魂移痕

暗香

簞乘

興滅銀缸

寄劉仲澤

已負中秋約休

日期東籬把菊坐共

賦南山詩

述懷

太古一輪月浮雲幾度漫
陰晴從萬態桂影自高寒

七言律詩

述懷

已著戎衣十載過江南
未了鬢先 前生

魂元詩選作魂是

應欠路途債今世故教離別多功業千年
須好在榮華一咲待如何幾時得遂歸歟
志高詠淵明歲暮歌

赴大名路任

詔引春風下

帝庭恩教遷鎮大名城天寒日短催行色
霧重霜濃接去程鵬翼垂天今日志馬頭
洒淚故鄉情深承父老殷勤送何日兒童
竹馬迎

晚涼樓飲

攜壺信步曳長筇來赴樓頭滿面風龍駕
金烏歸海北鯨吹壁月上天東愁空濁酒
襟懷豁氣入新詩句法雄此意誰人能會
得古今好個謫仙翁

初夏

醉窻睡足碧紗涼簾捲薰風燕子忙滿地

落花驚晚吹一溪流水帶斜陽等閑歲月
過難再牢落功名拙自傷青鏡祇愁霜鬢
改光陰空老郭汾陽

新蟬

齊宮怨女夢初驚猶對薰風訴別情一自
返魂遺舊殼便將秋恨入新聲斷橋高柳
天將暮落日空山雨乍晴鉄石肝腸人聽
得也應白髮爲君生

雜燕

羽毛香潤態含癡睡足雲兜力尚微喚毋
但能啾唧語戀巢猶倦往來飛薰風庭院
簾初捲落日池臺人乍歸白鳳赤龍渾異
事爭如隨分着烏衣

和鄭雲表初夏

一年好處艷陽天風絮苔紅意慘然寂寂
妍春空造化炎炎畏日乍威權香盈脾蜜

蜂衙歇泥足梁巢燕寢便旋折酒香澆鬱
氣園林青杏落詩箋

射柳

年少將軍耀武威人如輕燕馬如飛黃金
箭落星三點白玉弓開月一團簫鼓聲中
驚霹靂綺羅筵上動光輝回頭笑敘無功
子羞對薰風脫錦衣

打毬

錦繡衣分上下朋畫門雙柱玉亭亭半空
綵仗翻殘月一點緋毬迸落星翠柳小廳
喧鼓吹玉鞭驕馬蹙雷霆少年得意風流
事何勝書生對夜螢

假山

性癖佳山未得親旋移遠石象天真峯巒
草樹安排好岩壑風烟領略新路轉柳遮
青隱約雨餘苔漬碧嶙峋儘教做就千竒

怪時下窻前愛主人

述懷

春風滿鬢綠鬢鬆落落
冒懷氣吐虹節操
自知堅雪竹行藏未必屬
秋蓬歌中牛角
兩行淚舞徹雞聲一劍雄
肯似少年場上
客笙簫日醉軟香中

過雙塔

千丈黃塵倦客途
林稍遙認兩浮屠
數家荒店留行李
一帶遙山入酒壺
勲業壯年勞夢寐
等閑老境寄江湖
前途默默深滄海
惆悵西樓日向晡

宿龍門

落日蒼崖列翠幘
翠幘圍宿暮雲橫
溪聲清入詩人耳
山勢斜盤客子程
青草路涼羸馬飽
碧林月冷倦鳥驚
明朝去過龍門去
直挽春風下赤城

幘幘二字元詩
送皆作屏

去過去字元詩
送作飛

遇雨未發

寒侵詩夢曉初回
風雨長松撼半崖
絕岫黑雲籠古殿
虛簷玉柱碎空階
紗窻正熟佳人睡
石磴應傷客子懷
鞍馬待晴行未得
木魚聲裏過晨齋

述懷 三首

飄零孤影寄天涯
夢斷春風二鼓撾
悶上心來須賴酒
愁驅睡去勝如茶
龍潛北海收雷跡
豹隱南山養霧花
天產我材應有意
不成空使二毛華

梅時又過牡丹期
晝掩重門坐似癡
為臂愁眉須賴酒
欲言雅志豈無詩
浮雲暖日陰暗裏
殘夢春風富貴時
一片肝腸堅玉石
肯隨風絮入狂吹

思量閑裏百優游
只得尋常兩事憂
中酒未醒過是病
搜詩不得勝如愁
便教酒病

憑詩解縱有詩愁着酒醉此外誰無名利
念紅塵千丈儘悠悠

襄陽答王仲思

晝夜干戈備不虞等閑詩酒興全踈承君
西屬三詞至愧我東回一字無麾下雄兵
山有虎目中窮寇釜奔魚秋風咫尺襄樊
了好約扁舟泛五湖

初夏

好在薰風入舜絃楊花飛去了三眠迎眸
新綠初長日回首殘紅又隔年香滿蜜脾
蜂翅懶泥乾盡棟燕巢全多情無奈春歸
去賴是園林煮酒天

梅雨

犀浦光風四月新一天細雨弄寒溫絲絲
簷外難成滴湛：江心不見痕煮酒園林
妨飲興暮雲棲閣入吟魂儘教燕子啣春

去半濕紗窻睡正昏

春陰

輕陰薄、鎖峯巒微暗書窻覺嫩寒寂寞
梨花渾欲濕顛狂柳絮尚猶乾爭泥語燕
情應喜抱蕊遊蜂意欲闌說與密雲休吝
雨犁一早足老農歡

風柳

澹澹池塘近楚宮綠腰袅娜學盤中亂搖

芳草飛輕白細搭朱欄拂落紅枝上嬌營
啼恰、樹邊舞蝶意匆、東君應著吹噓
力要把春愁一掃

題保定抱陽山寺

山僧

掣脫利名羶特去幽崑構一堂兀坐

忘機禪榻靜高吟縱意竹窻涼奔馳世外
心千里叅透人間夢一場終日杜門稀萬
事此中滋味少人嗜

昔元詩選作寫
分誤

一掃下元詩選
有字字此脫

題池州九華山二首

萍浦波平兩岸風，羣仙爭妬九華城頭。
秋日掀髯裏檻外，詩成極目中霞日晚時。
山更翠，江鷗潛處蓼偏紅。樓間多少前賢
句，惆悵烟嵐自古同。
客逢佳節若為酬，地主相邀上北樓。滿目
奇觀風日晚，一襟清興不勝秋。笑傾琥珀
歡無極，醉指芙蓉看未休。莫恠群山竟遮
映，數峯高處愈風流。

南征二首

百戰歸來氣未鬆，紫泥又起作元戎。樓船
萬艘三山外，塞馬千群百粵中。舉目山川
渾各異，傷心風景不相同。明年事了朝天
去，銅柱東邊第一功。
離多會少古皆然，惟我平生苦太偏。已是
十年驅戰馬，又還萬里駕征船。相思回首

南天角獨許傾心北闕邊寄語故人知道
否戮鯨沉海在來年

送張孝先

乘驛歸來氣未停江頭還又送君行少年
鞍馬崢嶸路暮歲笙歌富貴程半紙荒詩
千里贖一杯別酒十分情故鄉為向諸公
道功業悠悠白髮生

讀韓信傳

一怒燕齊楚趙收將軍今古果誰傳後來
肯為陳稀計先日何辭蒯徹謀自是多能
懈噲等何能輕舉學留侯可憐一片肝腸
鉄却使終遺萬古羞

共賦行田

不屑人間事業忙日迷歌舞少年場樓臺
夜月延佳客花竹春風擁謝娘笑倩釵金
挑燭影醉嫌杯玉擘橙香誰知原上農家

子鞭裊殘星曉露涼

春雪

餘寒料峭黃昏暮
驚見東風吹柳絮
杜陵野老獨歸來
却入灞陵橋上路
黃鶯愁立花深處
恨濕金衣寒兩羽
園林渾似晚春時
一片瓊花飛玉樹

寄樞密院郭良弼

三百年基教戰休
君臣束手願歸囚
上天有命

聖皇福下國無謀
賢相等啖我青蠅
隨驥尾看人滄海
據鰲頭此行幸見
太平了收拾琴書
覓舊遊

七言絕句

槐井

翠圍石甃雨苔青
影落寒泉墮月明
酒醒渴懷無處著
綠陰風送轆轤聲

即席贈別

離筵不必奏笙簧
說劍論詩醉一場
別後有期期不定
水萍風絮雨茫茫

遊春

閑逐東風信馬蹄
一鞭詩思曲江堤
行行貪詠梨花雪
却被桃花約帽低

讀李廣傳

弧矢威盈塞北屯
漢家飛將氣如神
但教千古英名在
不得封侯也快人

老子送西遊圖

玄教淵源自廣成
五千文字總忘情
先生本是無爲者
何苦青牛萬里行

醉中二首

玉液流春暢四甌
醉時不覺有離愁
軒昂兩袖乾坤窄
疑是陰陽之外遊

金盃潑灑漲蒲萄
玉頰潮紅意氣豪
一撮

乾坤是何物古今只解戲兒曹

墨行

行九詩送作可

云九詩送作芸

麝墨云香小玉叢淡烟橫月翠玲瓏小屏
春鑠綠窻夢也勝湖江烟雨中

射虎

班九詩作証

黑風萬騎捲空山怒吼崑林出錦班得意
將軍飛鉄鏃忽驚一點草梢殷

出獵

臂鷹携犬跨腰弓四野長圍馬疾風恨致
棘林狐兔走肯教容易出圍中

新燕

海棠開後月黃昏王謝樓臺寂：春柳外
東風花外雨香泥高壘畫堂新

燕語

入戶穿簾語畫樑幾驚春睡惱人腸爭如
憑此呢喃舌說與東君莫去忙

青杏

落盡殘紅綠滿枝
青青如豆釀酸時
佳人摘得新嘗怯
一點春愁銷畫眉

柳絮

東風殢斂柳梢頭
吹去香綿得自由
不到池塘成翠靨
顛狂飛入酒家樓

柳綿

暗織千絲了不忙
不須蚕繭不須桑
請君試看春風外
楊柳枝頭雪噴香

詩魂

渺々幽懷與月高
花前醉裏興增豪
也曾天外搜佳句
又逐東風到酒槽

聞角

戍樓一曲老龍嘶
霜滿秋空月影西
客裏夢回聽不得
殘燈明滅伴人啼

寒日後

家家鑽火露新煙
花褪殘紅柳吐綿
底是遊人腸斷處
杏桃影裏折鞦韆

自遣

獨對西風酒一樽
可憐庭院正黃昏
何當釣出滄浪前月
唯我詩魂伴醉魂

碧桃花

應是玄都觀裏仙
為嫌白淡厭紅蕤
故栽一種新顏色
疑是人飛仙墜翠鈿

獨淚

惜別終宵話不休
煌煌燈燭照離愁
蠟花本是無情物
特向人前也淚流

未開牡丹

包藏國色與天香
儘使遊蜂自在狂
直待百花零落後
旋誇魏紫共姚黃

紅梨花

嫣然帶雨濕胭脂
却似去年霜牒時
說與

謫仙渾不識向人誰詠雪香詩

梅雨

輕雲薄：暗江干幾陣紗窗送嫩寒濃醉
呼童新摘得未黃梅子已微酸

送春

東君回馭欲何之把酒江頭話別離流水
泛紅留不住儘教沈醉不須思

垂絲海棠

環兒宴罷沉香下困倚東風綠樹陰可是
醉頭扶不起低垂芳臉謾沉吟

折鞦韆

畫柱青苔卧寂寥絲繩無計戀春嬌可憐
明月梨花院閑敘春風第一宵

落花

流水無情來洞口狂風何意戀枝頭惜花
人在東風外更比鶯兒燕子愁

紅葉

怪來清曉霜如雪
一夜千林染猩血
豪氣如紅酒似川
直教醉臉紅如葉

晚歸

笑談樽俎興何窮
鯨吸琉璃琥珀濃
沉醉戟門歸去晚
月明街靜一聲

壓沙懷古二首

秦宮漢苑為功名
梵寺何由也廢興
試問雪香庭上月
向人脉脉不能磨

桃花慣聽玄都觀
萬樹梨花是壓沙
一夕春風俱掃地
雪香庭下盡桑麻

春寒

去歲清明花簇簷
今年寒食尚凝嚴
往來忙斂蜂兒翅
偷採崖花釀蜜甜

晚涼

綠陰庭院半黃昏
月窟風來桂子香
好挈

一壺呼李白扁舟歸去醉滄浪

榴花

猩血誰教染絳囊
綠雲堆裏潤生香
遊蜂錯認枝頭火
忙駕薰風過短墻

效呂洞賓步虛辭二首

紫薇朝罷下天闈
穩跨青鸞落世間
兩袖春風何處去
洞庭東畔有三山

踏遍塵寰天外天
興亡萬劫入幽玄
儘教雞曉鐘催夜
一點虛名日明先

俯視王侯一介輕
愚聾今世可憐生
陰陽縱有難拘束
唯恨人間落姓名

晚蟬

三生齊女舊精魂
哭斷殘陽雨後村
千古閨愁無處著
斷腸聲裏又黃昏

落霞

夕陽紅影襯雲夜
一段龍文錦不機
詩在

滕王高閣下半天，孤鶩與飛齊。

驟雨二首

滄海龍飛霹靂驚，雲間電影萬蛇明。
六丁怒挽天河水，特爲人間洗甲兵。
風擁黃雲龍駕海，雷驅紫電雨翻盆。
長虹千丈忽截斷，一片風波起市門。

雪谷早行圖二首

短衣匹馬五更寒，老雪荒山去路難。
爲問此行成底事，要攜春色下長

馬馳殘夢過前溪，雲鎖空山雪四垂。
勲業本從辛苦得，可憐歌酒富家兒。

問梅

東風桃李競春光，何苦前村雪裏芳。
孤潔不教塵眼污，野橋斜月自昏黃。

憶梅

記得年時雪後村，月明詩酒共黃昏。
自從

別後無消息一片想思入夢魂

春信

庾嶺梅花噴雪香灞橋烟柳弄鶯黃故鄉
望斷無消息獨倚東風鴈數行

讀書燈

半窻寒雨夜深燒斷蘭膏一寸金莫笑
十年塵壁上也曾明破聖賢心

跋張伯寧義士圖

刺襄豫讓不日死立武程英嬰冠青史燕
山義士張伯寧千古英名高二子

述懷

氣吐長虹志未攄劔華生溢土模糊收藏
好在甘無用夜半荒雞待一呼

泛舟

半岸澄波雨後平一篙軟絲信流行滿船
明月雙瓶酒歌入荷花深處橫

水鷗

萬里長江兩白鷗
溶溶洩洩恣沉浮
一般都在春風裏
反不如他得自由

落花

莫爲春歸怨子規
百花开盡是飛時
筭來只是東君罪
不合當是著力吹

題採蓮圖

小娃採得白蓮還
此箇工夫有底難
多少桑間辛苦婦
誰人移向畫圖看

投宿

荒村投宿馬忽忽
暫歇離鞍古院中
酒盡一杯春日暮
吟鞭輕馬鳥興無窮

題曹娥廟

一女爲親猶盡孝
若爲男子事君何
江淮多少英雄將
厚祿肥家學倒戈

霜月早行

霜滿溪橋月滿山
哦詩驢背怯清寒
那知年少青樓客
醉擁芙蓉夢木闌

壓沙懷

已聞春日雪生香
更看秋來葉醉霜
到此春秋無一物
不堪回首弔興亡

過江

磨劍石：鼎裂飲馬長江
水竭我軍百萬戰袍紅
盡是江南兒女血

春月

分破黃昏綠柳烟
娟娟落影卧鞦韆
休誇八月中秋夜
桃杏香中更苦憐

柳眉二首

似歛還舒嫩
覺羞隨堤如
爲古今憂翠尖
管取傳春意
莫向長亭管別愁
睡起紗窗對
晚奩暫時初
識遠山尖
多情笑致張京兆
應恐香螺浣玉纖

海棠

風捲晴霞空樹頭
東皇西去太真愁
可憐零落胭脂色
綠葉爭如枝上稠

白蓮

灑淚湘妃不喜粧
和煙迷月漲秋塘
翠盤影裏呈妍白
恨教詩人玉有香

佳人晝寢圖

午枕風微霧縠涼
日長睡損玉霓裳
此生幸免春蚕苦
何事無心到繡床

守一卷頭

世事翻騰儘萬般
一心長擬泰山安
酒壺書卷甘泉意
更要詩人子細看

樂府

木蘭花慢題亳州武津関

憶醮都風物飛一夢過千年羨百里溪程
兩行堤柳教萬人烟傷心舊家遺跡謾斜
陽柳水接長天冷落故祠香火白雲淚眼
潛然行藏好向故人傳掾筆舞蠻箋總糾
糾貌貅秋風江上高卧南邊功名笑談罇
俎問錦江何必上樓船他日武津関下春

風驕馬金鞭

征南 三首

混魚龍人海快一羽起鯤鵬駕萬里長風
高掀北海直入南生平許身報國等人間
生死一毫輕落日旌旗萬馬秋風鼓角連
營炎方灰冷已如冰餘燼澹孤星愛銅柱
新功土閔奇節特請高纓曾中凜然冰雪
任蠻烟瘴霧不須驚整頓乾坤事了歸來
虎拜龍庭

其二

功名歸墮甑便拂袖不須驚且書劔蹉跎
林泉笑傲詩酒飄零人間事良可笑似長
風雲影弄陰晴莫泣窮途老淚休憐兒女
新亭浩歌一曲飯牛聲天際暮烟冥止百
二河山一時冠帶老却昇平英雄亦應無
用擬風塵萬里奮鵬程誰憶青春富為憐

四海蒼生

其三

乾坤秋更老
聽鼓角壯邊聲
縱馬威重山
舟橫滄海
戮虎誅鯨
笑入蠻烟瘴霧
看旌麾一舉
要澄清
仰報九重聖德
俯仰憐四海蒼生
一樽別後
短長亭
寒日促行程
甚翠袖停盃
紅裙住舞
有語君聽
翼豈從高舉
捲天南地北
日昇平
記取歸來時候
海棠風裏相迎

滿江紅 襄陽寄順天友人

奔駟南來擁貔貅
且趨江右
良自愧劣才
微渺 聖恩洪厚
萬里長江
今我有百年
堅壁非他守
看虎牙飛上萬山頭
誅群醜
風雨夢鄉閨
友南北事君知否
寄一緘梅
信小春時候
夜靜戟門嚴
鼓角月明蓮幕
閑詩酒怕故人相憶
問歸期平蠻後

臨江仙

千古武陵溪上路
桃花流水潺湲
可憐仙契剩濃歡
黃鸝驚夢破
青鳥喚春還
回首舊遊
渾不見
蒼烟一片荒山
玉人何處倚闌干
紫簫明月底
翠袖暮天寒

其二

愛飲林泉風物好
羨他歸去來
芳世緣相挽
又還思功名當壯歲
踈懶記當時
肝膽自知塵輩異
鳳池麟閣須期
風雲滿目任時宜
東山高卧處
絲竹醉吳姬

點絳脣 詠海棠

醉臉勻紅向人無語
誇顏色一枝春雪猶
染嵬坡血
庭院黃昏燕子來
時節芳心折
露垂香頰羞對開元月

其二

庭院黃昏子規啼
破開元夢
晚風吹動似

舞霓裳弄有色無香好着詩人諷和誰共
月廊烟重燒徹蘭膏鳳

其三

星斗文章詞源落、傾胃臆十年南北幾
度空相憶把酒留君後會知何夕愁如織
一鞭行色春色雪梅花驛

其四 賦梅

春日前村一枝香徹江頭路月明風度清
斂西湖句昨夜幽歡夢裏誰呼去秋如許
覺來無語青鳥啼芳樹

其五

獨上高樓恨隨春草連天去亂山無教隔
斷巫陽路信斷梅花惆悵人何處愁無語
野鴉烟樹一點斜陽暮

南鄉子

深院日初長萬卷詩書一炷香竹掩茅齋

人不到清涼茶罷西軒讀老莊世事莫論
量今古都輸夢一場咲敘利名途上客乾
忙千丈紅塵兩鬢霜

其二 送劉仲澤壽

天地萃英靈秀出人龍間世生不只文章
爲第一崢嶸氣吐虹霓萬丈橫白褐黑頭
卿埋沒黃塵氣未平昨夜長庚高似月分
明光照乾坤徹五更

其三 贈歌妓

淺淡漢宮扇底春風玉有香特地向人歌
一曲非常縱使無情也斷腸宝髻繡霓裳
雲雨巫山窈窕娘好着千金攜得去何妨
絲竹東山醉玉觴

其四 送友人劉仲澤北歸

烟草入重城馬首関山接去程幾度留君
留不住傷情一片秋蟬雨後聲無語淚縱

橫別酒愁和且強傾後會有期須記助叮
嚀莫負中秋夜月明

其五寄劉仲澤

音信怪來稀世態時情固自宜莫比紅鹿
兒女輩須知義士交情死不移應是占花
期簫鼓東城醉玉姬誰念書生寒屋底傷
悲忍淚牕前聽子規

太常引

晚涼庭院鏤黃昏鼓角靜譙門酒興戀詩
魂清逸斷梅梢月痕留中豪氣壺中春色
醉眼小乾坤今古不須論且更盡花前幾
樽

浣溪紗

山掩人家水遶坡野猿嵒鳥太平歌黃鷄
白酒興偏多幸自琴書消日月儘教名利
走風波釣臺麟閣竟如何

其二

一片西山畫不成
無人來此結茅亭
野猿山鳥樂昇平
名利看人濃似酒
肝腸熟醉不能醒
黃塵奔走過浮生

其三

新卜西山崦下庄
踈籬編竹草苫堂
門前流水柳成行
滿日烟嵐詩酒地
十年鞍馬是非場
虛名半紙幾多忙

青玉案 寄仲澤

西風天際征鴻去
問曾過燕山路
葉落虛庭空綠樹
一川秋意滿懷愁
緒樓外瀟瀟
雨天涯望斷行雲暮
好看蠻牋寄情句
底是相思斷腸處
吟風賦月論文說
劒無箇知音侶

清平樂 四首

關河南北有鴈無消息
落日樓頭人正憶

啼鳥一聲山碧鶯：燕：爭春紅塵馬足
車輪惟有新豐豪客東風老淚沾巾
高眠春窻北偃卧喧雷息依約閑山歸路
憶夢遠池塘春碧功名負我青春忽：日
月奔輪且把琴書歸去山林道髮儒中
天南地北何日兵塵息四海昇平歸老憶
鳳遠岐山空碧衣冠滾：爭春誰卧鞦韆
輪一斂風雲未遂幾回怒髮衝巾
窮冬冷落客思添蕭索濁酒沾來須強酌
要把閒愁推却時問榮辱何驚曾中氣象
休更且匣風雲長劍天容兩鬢青：

喜春來

金粧寶劍藏龍口玉帶紅絨掛虎頭旌旗
影裏驟驂騶得志秋喧滿鳳凰棲

殿前歡襄陽戰

鬼門閑朝中宰相五更寒錦衣繡袂兵十

萬拔劔搖環定輸贏此陣間無辭憚捨性命爭功汗將軍戰敵宰相清閑

鷓鴣天 圍襄陽

鐵甲珊珊渡漢江南蠻猶自不歸降東西
勢列千層厚南北軍屯百萬長弓扣月劍
磨霜征鞍遙日下襄陽鬼門今日功勞了
好去臨江醉一場

天淨紗 梅梢月

黃昏低映梅枝照人兩處相思那的是愁
腸斷時彎：何似渾如宮樣眉兒

天淨紗

西風落葉長安夕陽老鴈閑山今古別離
最難故人何處玉簫明月空閑

淮陽詩集後序

勝國淮陽張獻武王初以中州著姓臣事
蒙古爲之奔走効力逼宋海隅遂滅其國
功業雖盛君子弗取獨其詩集之僅存者
嘗取讀之據鞍橫槊意氣豪放由軍中雅
歌而下少見其比况時方馳逐金戈鉄馬
間自非有志於投戈議藝息馬論道奚暇
及此是則爲之可取焉者也詩集首題淮

陽張獻武王元人蓋侈其爵謚云爾乃今
借易之曰張淮陽詩集若唐之韋蘇州詩以
鳴之秦淮海府以樂之類是已樂府仍附於
其後顧舊本觸手隨落且傳之者復甚夥
於是拾遺補闕重加校正命工翻刻庶備
元詩之一家張諱弘範字仲疇中州河內
人履歷之詳具載元史本傳云時

正德辛未歲孟冬之吉知公安縣事宿人周鉞書

